

**POLELO EA MOETAPELE OA ABC/KOBO-TATA HON. DR.
MOTSOAHAE THOMAS THABANE**

**SEBOKENG SA BOETAPELE
AME HALL, MASERU, LESOTHO**

24 MARCH, 2017

1. Ho ananela kholo ea Lekhotla Mabatoeng Naha ka kakaretso mosebetsing oo Boetapele ba Lekhotla la Kobo-Tata ka likomiti tsa Makala, tsa Mabatooa ekasitana le Komiti ea Naha ho tloha re tlohile pusong ka selemo sa 2015 ho fihlela mona moo re eang likhethong tsa tsome tsa 2017:
 - a. Boitelo bo sa thekeseleng boo Maparamente a lona 'moho le lona Makobo-Tata le bileng le bona ho loanela hore 'na ke le Moetapele le ba bang bao re neng re le palehong le bona re qetelle re khutletse hae;
 - b. Ho tsitlalla hoa Maparamente le lona le le litho tsa Lekhotla la Kobo-Tata ho loanela tokoloho ea Sechaba ho tloha puso ea khokanyana phiri e kena pusong moo e ileng ea bonahala e tonne mahlo ho metsa Sechaba sena sa Moshoeshoe; taba e qetelletseng ka litlatlapo le lipolaeano tsa Batho e ka sitana le ho se hlomphe molao oa motheo oa Lesotho;
 - c. Ho re saletseng joale ke ho bona hore litho tsohle tsa tšireletso tse palehong li khutlela hae ba boele mosebetsing ea bona joalo ka bohle, ekasitana le ho bona hore bao ba neng ba koaletsoe litlamong le bona ba khutlela mesebetsing ea bona;
 - d. Ho tsoelapele ho sebeletsa hore Sechaba sa Basotho se boelane se kopane re sebetsa 'moho le makhotla le mekha eo re sebetsang le eona kaparamenteng.
2. Ke beile litaba tsena tseo ke li nkang e le likatleho le kholo ea rona re le lekhotla. Ka hona ke beha ka pele ho lona hore le shebe le ho atamela likhetho tsena tseo re eang ho tsona ka kopano le bonngoe, re tie re tsebe ho li hlola re pholose Lesotho litleneng tsa tau;
3. Ke qetella ka ho etsa khoehaletso ho lona beng ba ka hore kopo eo ke ileng ka e beha ho lona ea ho kopela Maparamente mohau e ne e se taelo empa e ne e le kopo ea ka ho lona le le Mabatooa ho ba sheba ka mohau ha le nyolla bokhothaletsua mabatoeng;
4. Lebaka la ka la ho etsa kopo ena le ne ipapisitse le likatleho le kholo eo ke e bonang eo ke buileng ka eona litabeng tsa letsatsi lena. Empa beng ba ka geto ke ea lona le le sechaba hore naa le sebetsa joang mabatoeng a lona ho nyolla bokhothaletsua le ha ke tla 'ne ke le siee ka hore le tie le be mohau

ho banna le basali bano ba habo lona ba tšepahaletseng Lekhotla la ABC/Kobo-Tata;

5. Ke koala polelo ea ka ka ho kopela khotso, mohau, le bophelo bo botle ho Morena Molimo makobo-tata a matle, ekasitana le ho tsoelapele ho ba ntho e le ngoe ka ho sebetsa 'moho litaba tsa lona le sa halefelane hobane re ikana ka khotso le bonngoe lekhotleng la rona. "Sera sa motho ke tlala" e seng motho mothong e mong.

La chaba!

Khotso! Pula! Nala!

Dr. M. T. Thabane, Moetapele